



Publicaziuns dalla vischnaunca, jamna 24

Elecciuns communalas 2016

Quest atun han liug las elecciuns dils organs communalas per la perioda d'uffeci 2017–20. Per quellas elecciuns ha la suprastonza communal fixau ils suandonts datums:

a) Termin d'abdicaziun

Il termin d'abdicaziun per il **cussegl da vischnaunca, la suprastonza communal, il cussegl da scola, la cumissiun da gestiun sco era per tuttas ulteriuras cumissiuns** e delegaziuns ei vegnius fixaus sin **venderdis, igl 1. da fenadur 2016**. Suenter quei termin vegnan las demissiuns publicadas el «Fegl uffical dalla Surselva».

b) Termin per inoltrar propostas

Vischinadis ni gruppaziuns da silmeins 15 votantas e votants han la pusseivladad d'inoltrar entochen 30 dis avon l'elecziun propostas per candidatas e candidats. Las **propostas** ein da far **en scret** e d'inoltrar **entochen venderdis, ils 26 d'uoost 2016** all'administraziun communal. Officials che han buca demissionau valan sco proponi.

c) Termin per las elecciuns

Las elecciuns dils commembers dil **cussegl da vischnaunca, dalla suprastonza communal, dil cussegl da scola e dalla cumissiun da gestiun** han liug **dumengia, ils 25 da settember 2016**. Las elecciuns da tuttas ulteriuras cumissiuns succedan pli tard entras ils gremis cumpetents.

Suprastonza communal

Cussegl da vischnaunca

Program d'activitad, plan da finanzas e credit per canalisaziun a Cavardiras

En sia seduta dils 10 da zercladur 2016 ha il cussegl da vischnaunca sut il tgamun da Livio Zanetti tractau pliras fatschentas.

Il cussegl da vischnaunca ha priu enconuschientscha dil program d'activitad e dil plan da finanzas 2017–2021.

Canalisaziun a Cavardiras

La damonda da centralisar ni buca stat era tier il departament d'ambient el center. Disposiziuns e reglamentaziuns cantunalas pretendan da colligiar tuttas zonas da baghegiar cun ina serenera. La vischnaunca da Mustér ha naven dall'entschatta priu serius la tematica d'ambient. Quei muossa il fatg che las sereneras Disla e Raveras ein stadas denter las empremas sereneras el cantun Grischun. Il 2016 ein sulettamein ils uclauns da Cavardiras, Pardomat e Madernal aunc buca colligiai cun in sistem da schubergiar las auas tschuffas. La lescha federala davart la protecziun dallas auas pretenda che auas tschuffas ord zonas da baghegiar vegnien menadas sin ina serenera e purificadas. El rom dalla concepziun generala davart igl allontanament dallas auas ha la vischnaunca definiu co las auas piarsas dil territori surbaghegiu resp. dallas zonas da baghegiar dueigien vegnir drenadas. Il project il pli favoreivel preveda ina colligiazion digl uclaun da Cavardiras cun ina canalisaziun en collaboraziun cun la Repower e la Corporaziun d'aua Spina da Vin alla serenera a Disla sco era l'erecziun d'in fusal d'aua da plievgia alla serenera Disla. Dapi igl 1. da schaner 2016 exista a Cavardiras facticamein in scamond per la construcziun da baghetgs novs e per la sanaziun da baghetgs che han per consequenza ch'il volumen dallas auas piarsas s'augmenta. Avon la decisiun ha il cussegl da vischnaunca menau in'extendida discussiun da principi davart l'investiziun e sia necessitad. Cun 6 encunter 5 vuschs (1 abstenziun) ha il cussegl da vischnaunca concediu in credit da frs. 629 000.– per colligiar igl uclaun da Cavardiras cun la serenera a Disla e per construir a Disla in fusal per l'aua da plievgia cun suttametter quella decisiun alla votaziun dil pievel. La votaziun ei preveda el decuors digl atun 2016.

Suprastonza communal



Serrada dalla via Mumpé Medel

Igl uffeci cantunal da construcziun bassa dil Grischun sanescha parzialmein la via da comunicaziun a Mumpé Medel.

Durant las lavurs da cuvrida sto la via vegnir serrada per scadin traffic sil tschancun, tunnel – Plaun Sut, **mardis, ils 21 da zercladur 2016, dallas 8.30 entochen allas 17.30**. In'untgida ei buca pusseivla. Per pedunzs e velocipedists ei il passadi adina pusseivels. En cass da schliat'aura vegnan las lavurs refretgas sin in proxim di:

- Mesjamna, ils 22 da zercladur
- Gievgia, ils 23 da zercladur
- Venderdis, ils 24 da zercladur

Per ulteriur sclariment san ins sevolver tier il responsabel digl uffeci da construcziun bassa dil cantun, Pius Cavegn, telefonin 079 334 74 14, ni tier igl uffeci da baghegiar dalla vischnaunca da Mustér, Ervin Maissen, telefon 081 920 36 46.

Nus engraziein per Vossa capientscha.

Disentis/Mustér, ils 14 da zercladur 2016

Uffeci da construcziun bassa dil Grischun, district 6 Pius Cavegn

Uffeci da baghegiar dalla vischnaunca da Mustér Ervin Maissen

Controla da habitonts

Naschientschas

Rhea Müller, naschida ils 21 da matg 2016 feglia da Priska Müller ed Armin Manetsch

Margarida Carvalho Azevedo, naschida ils 27 da matg 2016 feglia da Marisa Figueiredo Carvalho ed António Fernando da Silva Azevedo

Eliano Sabbadini, naschius ils 12 da zercladur 2016 fegl da Fabiana e Martino Sabbadini-Bass

Serrada dalla via Pardomat

Igl uffeci cantunal da construcziun bassa dil Grischun cuntinuescha cun la sanaziun dalla via da comunicaziun a Pardomat.

Durant las lavurs da construcziun sto la via vegnir serrada per scadin traffic sil tschancun, Punt dil Rein entochen alla sbuccada dalla via Cavardiras.

Gliendisdis, ils 20 da zercladur entochen venderdis, ils 29 da fenadur 2016, mintgamai ils luvverdis, dallas 7.00 entochen allas 18.00.

In'untgida ei pusseivla sin la via da comunicaziun Mustér – Cavardiras – Pardomat per vehichels entochen 11 t.

Per pedunzs e velocipedists ei il passadi adina pusseivels. Per ulteriur sclariment san ins sevolver tier il responsabel digl uffeci da construcziun bassa dil cantun, Pius Cavegn, telefonin 079 334 74 14, ni tier igl uffeci da baghegiar dalla vischnaunca da Mustér, Ervin Maissen, telefon 081 920 36 46.

Nus engraziein per Vossa capientscha.

Disentis/Mustér, ils 14 da zercladur 2016

Uffeci da construcziun bassa dil Grischun, district 6 Pius Cavegn

Uffeci da baghegiar dalla vischnaunca da Mustér Ervin Maissen

Agids da catscha

Sezs aults e tegias da laghetg

Novas directivas

Igl 1. da zercladur 2016 ein las novas directivas per la construcziun d'agids da catscha entradas en vigur. Quellas ein publicadas sin la pagina d'internet dalla vischnaunca da Mustér sut



www.disentis.ch/uaul – Downloads. Proximamein vegnan ils possessurs d'agids da catscha (sezs aults e tegias da laghetg) informai a scret sur dallas novas directivas. Medemamein vegn dau la caschun d'annunziar agids da catscha novs. Posts lubi che vegnan buca pli utilisai ston era vegnir annunziai. Plinavon vegn supplicau da controllar e tenor basegns curreger las coordinatas indicadas. Las annunzias davart agids da catscha novs, correcturas da coordinatas sco era annunzias davart agids da catscha ch'ei vegni sliyai ston succeder a scret entochen ils **20 da fenadur 2016** agl uffeci forestal, Via Cons 2, 7180 Disentis/Mustér. Silsuenter vegn attribuiu per mintga agid da catscha ina numera per nudar ils indrezs. Las numeras vegnan messas a disposiziun entras igl uffeci forestal. Agids da catscha ch'ei buca nudai entochen la fin da december 2016 cun la numera officiala valan per buca annunziai e vegnan allontanai sin donn a cuost dil possessur.

Suprastonza communal

Uniun da catschadurs Péz Alpetta Salvament d'anseuls

Preziai purs. Ussa ei il temps che las caurascavriel fan ansiel. Stedi sesanflan ellas cun lur anseuls sin praus che vegnan segai. Aschia vegnan mintga onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls sesanflan, ein supplicai da s'annunziar tier nus in di avon segar. Aschia savein montar mintgamai ina bandiera el prau pertuccont. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira sut la numera 079 304 33 61. Bien engraziament per vossa collaboraziun.

Uniun da catschadurs Péz Alpetta: Il cau da tgira

Teater a Mustér

La gruppa da teater d'affons sepresenta en halla Cons

Pulit e carin ei stau – ei vargau, cu mattatschas sedostan! Translaziun, adattaziun, reschia: Tina Bundi
Venderdis, ils 17 da zercladur 2016 allas 20.00
Sonda, ils 18 da zercladur 2016 allas 20.00
Dumengia, ils 19 da zercladur 2016 allas 16.00

Sin Vossa viseta selegan ils giugadurs Ramona, Sabrina, Jasmin, Beatriz, Pia, Leina, Lucas, Ricardo, Livio, Silvan.

Ausstellung im Gemeindezentrum Aua Viva

Vom **15. Juli bis in den Herbst** zeigt eine Ausstellung der Friedensbibliothek Berlin im Gemeindezentrum Aua Viva Bilder und Texte zu Indien, aus dem Leben und Wirken der Mutter Teresa von Kalkutta und zur Armut des Westens. Die Ausstellung ist tagsüber von 9–18 Uhr zugänglich.

Gemeindezentrum Aua Viva

Offener Singtag von Klein bis Gross ab zehn Jahren bis 100+ – «Spirituals und Gospelsongs» Wann: Freitag, 29. Juli 2016, von 9.30–17.30 Uhr

Kostenlose Teilnahme.

Anmeldung erwünscht unter kantoreiauaviva@kns.ch

Schubergiar e rugalar apparats d'udida



Gliendisdis, ils 27 da zercladur 2016 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.40 en Casa sogn Giusep a Cumpadials

13.30–15.15 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamain quei survetsch gratuit per tuts interessents. Ei drova negina annunzia.
